



**Praxis Meditationum S.P. Ignatii Loyolae**

**Diertins, Joseph**

**Solisbaci, 1708**

Med. 31. Ejusdem Myst. punct. 2.

---

[urn:nbn:de:hbz:466:1-60232](#)

se, tum in Matre ejus servire, sic quoque felices & salvi siemus.

VOL. Gratulemur S. Josepho; anhelemus ad parrem felicitatem. Quando Christum habemus in Eucharistiâ, eliciamus affectus, quos eliciuisse-mus, si S. Josepho in Ægypto & itinere comites fuissimus.

COLLOQ. Ad B. Josephum, B. Virginem, Christum & ad Deum Patrem, petendo gratiam Christo dignè serviendi: Nam vidimus neminem fore sanamentis, qui non cupidissime Christi servitio se totum offerat & addicat. RECOLLECTIO.

## MEDITATIO XXXI.

*De reditu ab Ægypto. Matth. 2.*

Myst. punct. 2.

CONG Quando manè evigilo facere, sicut supra dictum est.

PRÆL. I. Joseph consurgens accepit puerum & Matrem ejus, & venit in terram Israël. Matth. 2.

PRÆL. II. Intueri Ægyptum, iter in terram Israël, quod redeundum.

PRÆL. III. Postulare gratiam, ut magis in decreto Christum sequendi confirmemur.

DUNCTUM I. PERSONÆ. MEM. Videre sanctam illam Familiam jam accinctam ad egressum ex Ægypto.

I 5

In.

INTEL. Perpendamus, tantam veræ Religionis virtutem à Christo, totâque illâ familiâ Ægyptiis relictam, tam salutarem memoriam sanctissimorum morum, ut postea Ægyptus evaserit quasi paradisus innumerorum Eremitarum Christo servientium. REFL. Sic nos quoque oportet implere per bonos mores nostros id, quod scriptum est. Cor. 2. Deus odorem notitiae suæ manifestat per nos in omni loco: quia Christi bonus odor sumus.

Voc. Æmulemur hæc charismata meliora, & proponamus nobis servandam Regulam 10. Peregriñorum. Cum initinere ad Collegia, vel domos societatis divertent, studeant omnes bonum edificationis odorem exemplo vita ac morum nostris relinquere, &c. & Regulam 8. & 9. de bædificandis externis.

**P**UNCTUM II. VERBA. MEM. Audire verba Angeli ad Josephum, vade in terram Israel: defuncti sunt enim, qui quarebant animam pueri. Matt. 2.

INTEL. Intelligamus Dei providentiam, quæ attingit... à fine, usque ad finem fortiter, & disponit omnia suaviter. Sap. 8. non turbat cursum rerum humanarum; reliquit Herodem potestati liberi arbitrii sui; & tamen voluntatem suam ubique implet, & finem suum assequitur. REFL. Disce te totum committere Providentiæ Dei.

VOL. Nos totos in sinum Dei conjiciamus: certi quod non est consilium contra Dominum Prov. 21. Quare fremuerunt gentes? &c. Ps. 2.

PUN.

**P**UNCTUM III. OPERA. MEM. Joseph consurgens  
accepit Puerum, & Matrem ejus, & venit in  
terram Israel. Matt. 2.

INTEL. Perpendamus labores, & incommoda  
itūs, & reditūs ex Ægypto. REFL. Si velimus Re-  
gem nostrum sequi, in iisdem quoque laboribus,  
vigiliis, & casibus cæteris cum eo persistendum  
erit.

VOL. Summo iterum affectu dicamus: *En o!*  
*Rex supreme &c.*

COLLOQ. Conforme Contemplationi Regni  
Christi.

RECOLLECTIO. REPETITIO APPLICATIO SENSUUM.

## MEDITATIO XXXII.

*De reditu ab Ægypto. Matth. 2.*

Myst. punct. 3.

**C**ONG. Servire Christo tantò propensiùs: quan-  
tò incredibilior ejus erga nos est bonitas: &  
cœtera, sicut antè explicatum est.

PRÆL. I. Joseph ingrediens terram Israel, eò  
quod regnabat Archelaus filius Herodis in Judæa,  
recessit in Nazareth.

PRÆL. II. Quandam figuram itineris ex Ægy-  
pto in terram Israël, & in Nazareth concipere.

PRÆL. III. Petere gratiam, virtutes, quæ in isto  
negotio, & itinere eluxerunt, imitandi.

PUN.